



TOMANATUGA FA'ALEAGAGA MASINA APERILA 2023

TUSI FAITAU : Mataio 25:1-10
Mataio 27:32-54
Mataio 28:16-20

MAFAUFAUGA I LENEI ASO MALIU (FAGAFULU)

MANATU AUTŪ :” NA MALIU O IA OLE TUPU, E TOETU MAI OLE TUPU, INA IA SOIFUA AI O IA OLE TUPU.”

E toe ofo alofa ma fa'atalofa atu ile Paia ma le mamalu maualuga o le tatou Kapelanisia. Vii le Atua foafoa i lana tausiga alofa i lo outou soifua ma lo matou nei ola. E le fa'aitiitia le loto faafetai ile Pa'ia ile ituaiga-sa ma le aufaigaluega, auā sa outou foa le ata ole vai manino auā le alofa lavea'i ole Atua a'o tatou folau mai i lenā masina ua tuana'i atu. O le mea moni, sa luagia ile efu ae taumate ile 'ete pe tua ma ni a le savaliga ole Fagafulu, a'o lenei ua tatou siva i lagi tau ae feiloa'i i magao fetau soifua e pei ole upu ile tama'ita'i o Leutogitupa'itea. O le vi'iga silisili lea o le Atua le Tama, le Alo ma le Agaga Paia.

FA'AMALO LE FOLAU MANUIA, MALO LE PALE, MALO LE TA'I, MALO FO'I LE TAPUA'I.

Talu ai 'ona o lenei Masina ua tatou sauni e fa'amamalu le Vaiaso Sa Sili, e ala i puapuaga, i lona Maliu, o lona Toetu mai ma lona soifua ai pea e fa'avavau o lo tatou Tupu lava o ia. Ua manatu ai, se'i tulimata'i fa'aleagaga o tatou mafaufau i lenei vaitau Paia ma mea na tutupu ai.

Ae alo maia o se Tomanatuga Fa'aleagaga fo'i lenei mo i tatou i lenei fo'i Masina

Fai mai le Matua o mafauauga: “INA IA MALIU O IA OLE TUPU, NA TOETU MAI OLE TUPU, NA IA SOIFUA AI O IA LAVA OLE TUPU.”

Ole mea e mautinoa le matua'i a'afia o le olaga o le tagata ona o filifiliga. A toe fa'aupe i se isi fa'aleaga ona fa'apea lea, e iloa le tagata ona o ana filifiliga, pe fa'apea fo'i, e fa'afocina le tagata i ana filifiliga.

Ua tatou iloa o faitauga ile tala a Mataio, e i ai filifiliga e i'uvale, e i ai fo'i filifiliga sa uiga 'ese lo latou i'u lelei. O le amataga lava ole galuega a Iesu, na filifili ai lona finagalo, ma o lona filifiliga, ole mamanu atoa lona o lona soifua ma lana

galuega. I le ua o'o nei 'ina sousou tele le alumaga o lana feau, ona vavala mai ai loa lea o lona tagata lilo, i ana filifiliga

INA IA FA'AOLA IA OE IA TE OE..(f40)

O le mana'oga tauemu lea na valavalaai le Nu'u ia Iesu, ina o tautau mai o ia ile satauro. E lagona atu i o tatou taliga le matuitui o le mana'o auā ua latou iloa ua tu'itu'itua ona lima ma ona vae ile laau, a ua latou tau valaau i se mea malosi ua latou iloa ma mautinoa i lea itula, e lē mafai ona tupu.

O le filifiliga a Iesu e tusa ile mana'o o lea tauemuga, o le leai. E sili i lona finagalo ona tautau ai pea i luga ole laau. Auā e matua fete'ena'i ma le fa'amoemoe o lona afio mai, le valaau ua fa'atuina mai nei e le nu'u. O lona auga lea o lona afio mai, o nisi ina ia fa'aolaina, ae le o lona lava ola 'ina ia fa'asao. O lona la, a'o alalaga le nu'u ile fa'ataugavale ma le fa'atigaina, ina ia fa'aola ia oe ia te oe, a'o le itula lea ua mau-tonu le filifiliga a Iesu ile leai, na te lē fa'aola iā te ia lava, 'ina me'i le fa'aolaina o oe ma a'u.

AFAI O IA OLE TUPU O ISARAEU, INA ALU NEI LAVA O IA NAI LE SATAURO, ONA TATOU FA'ATUATUA AI LEA IA TE IA (f41)

E fai fua lava e le au Ositaulaga sili lenei upu, a ua uma ona latou iloa, ua leai se isi mea e toe mafaia e Iesu. O lo'o fa'afogafoga mai le Ali'i i lenei upu leaga ua lafo atu iā te ia. Ua silafia manino fo'i e le Ali'i i lea ituasoo, ua tulaga faigata le mataupu, auā o lea ua fa'amaui o ia i fao u'amea. Peita'i, ua fa'atafae e ia lona musumusuga, auā o lona Lagi, na te faia ai le galuega. Ma o lona tausisi i ai i lona filifiliga na te tumau ai pea ile satauro, ole fa'aogaina lea ma le poto atoatoa, o le mana na alofagia ai o ia e le Atua. O lona filifiliga lea, na te lē fa'aoga ai le mana na fo'ina mai iā te ia e faia ai se mea valea ma le fa'apito mo ia.

NA FA'ATUATUA O IA ILE ATUA, INA LAVEAI MAI NEI O IA IĀ TE IA, AUĀ NA IA FAI MAI, O A'U OLE ATALI'I OLE ATUA.

O lona uiga lea ma lona tala'aga tonu fo'i lea, o ia ole atali'i ole Atua. Peita'i ole filifiliga a Iesu, na te soifua lava ile olaga lautele. E ui ina ole Tupu lava o ia, a'o lona filifiliga e na te sulu le ie masaesae ole tautua tuavae, le tautua toto, ma le tautua afulelea. Ua tatou iloa sa matelaina o ia, sa le lavalavā o ia,

TOMANATUGA FA'ALEAGAGA MO APERILA 2023

sa gasegase ma fa'ataotoliaina ile falema'i. Na mativa ma inosiaina seia o'o lava ile tafu'e ole masaesae ole puapuaga ole fanau a tagata, a'o lana filifiliga lava na na talitonu ai, na te le aga-va'a, (na te le'i mo'omo'o lava fo'i i se puipuiga fa'apitoa mai le Atua lona Tama. Fa'apei lava o se isi fo'i tagata, sa na lagona le tuuato'atasi, pei o se tagata i se motu tu'ufua, ua le to'aluaina ma ua le uo'ina lava o ia e se tasi. Po'o ole ala lea na alaga ai ma le leotele.." *Eli, Eli, lama sapa-tani...* " Pei o se tamaititi ua feagai ma se fa'alavelave, ina o to'eesea ona matua. E ono tupu i so'o se tasi o'i tatou lena mea. Auā ana o a'u fo'i po'o Veronika, ai fo'i ma te vala'au lava ma le pala'ai tele. A o lana filifiliga, ua atiina a'e ai lona 'anagatu, ma o lona tupoupou ile aso o lona agavaleina, au atagia mai ai le filifiliga na faia e ia.

Filifiliga loloto, filifiliga potu. Filifiliga fa'alagolago, filifiliga tatalo. Filifiliga taua, filifiliga fa'atua. Filifiliga filemu, filifiliga a Iesu. Lea ua tatou iloa nei i lona maluu, ole Tupu ile ie masaesae.

2

E gaogao lava nai tama'ita'i na mulimuli e pei o ni so'o ia Iesu. Na o Maria si ona tina, ma si ona tuafafine o Salome. O Maria le Makatala ma le tasi Maria. O Ioana fa'apea ma Susana. Ae ui lava i lea ausage, a ua peisea'i nei o'i latou nei o lo'o ua tu'u ane o latou tau'au, e saposapo ai le tala ole fa'amoemoe na laga e Iesu, ne'i palasi ifo ma nuti ile lafulafua ole mataupu fa'alelalolagi, ua magumagu ai loto ole to'a sefulu ma le to'atasi. Fai mai ni isi tusitala, na tu'ua e le to'atele o'i latou Ierusalemale ile po na fa'alataina ai Iesu. Na latou tu'umuli atu ile mauga o Olive, le mea sa latou tausavali mai ai mo le po ole Paseka i Ierusalemale, ma nonofo ai i Petania. E le'i toe alu ane se isi i Ierusalemale.

Ole tala a Mataio ile tanuga o le Ali'i, e iloa ai, na ta'ape i latou sa faia lena galuega alofa, ae nofononofo ai lava Maria le Makatala ma le isi Maria. O se uiga lototele naunau lea, auā o lea ua ou manatu, mai lena nofonofoga, o se fa'aaliga fa'alaua'itele lava lea ina ia lauiloa ai e tagata uma lava, o i laua o isi so'o ole Nasareta, lea na fa'asatauroina. Le mea sa fa'amolemole ai Simona Peteru ma le ma'alili tele, lea fo'i na leiloa ai le isi to'a sefulu, a'o lenei ua fa'atotele ai lava nei tama'ita'i. O se va'aiga ua atagia ai nei, e a isi e ausulusulu ma lafilafi solo ona ole fefefe, ae a nei fafine e fa'aaliali lo la pi'itaga ile Ali'i, ona ole alolofa.

Ole faitau atu ile tala a Mataio ile ulua'i toetu, ole

itufale lava o tina ma tama'ita'i na lagalaga auā Iesu ina ia teuteu lelei. E mata ua le toe manatu mai Iosefo le Arimataia ma Nikotemo auā o'i laua ia na tapunia le gutu ole tu'ugamau ile ma'a, e fa'ailoga ai le mae'a ma le maopopo lelei ole fesoasoani na agalelei ai ile tagata amiotonu na agaleagaina. A e peita'i, ole fa'amoemoe o nei tama'ita'i, o lo'o toote peaga aganu'u tauave ole tanuga o se tagata ua maluu, e le'i faia mo Iesu. E fa'aleai lava se manatu e atagia ai pe na i ai ni isi manatu i tama'ita'i nei, e 'ese mai lo o le fa'amoemoe e aualofa ai ile Alii.

Ua va'ava'ai atu pea i la laua aga i lena ituaso, ona manatu ai lea sa i ai pea i o la loto le fa'amoemoe sa la le'i matua malamalama lelei i ai, pe se a lona uiga. O'i laua isi sa fai si leva o mata'itu le uiga mamalu o Iesu. Sa fa'ata'a-alalo tele e le Ali'i lona alofa i so'o o se tagata, e o'o lava i se tasi na alofagia. O Maria le Makatala o se tasi o ia tagata fa'apea.

E le ole agaga ua savalia ai le segisegi ole ulua'i aso ole vaisapati, e ui ina sa faia ma le loto momomo, ae o lo'o faia fo'i ina ia mamalu. Ai po'o le pogai lea, e ui lava ina e mata e fa'alemautinoa pe tua ma ni a lo laua alausu ile tu'ugamau, a e sa le'i vaivai o la loto. Sa o la felafolafoa'i lava e uiga ile ma'a lapo'a ile gutu ole tu'ugamau, (po'o ai na te fuli'esea) ma aga'i atu lava i luma. Na fa'ateia tele i laua ona ole mafui'e, ae la te le'i solomuli ai lava, o mea ia sa la leiloa, a'o lea ua la iloa nei ma fa'alogoa atu ai ile si'ufofoga.."Aua lua te matata'u, auā ua ou iloa, ua oulua sailia mai Iesu na fa'asatauroina. E lē o i'inei o ia, auā ua toetu mai o ia, e pei ona fetalai atu ai o ia.." (Mat 28:5-6) Mulimuli ane ua la fa'apau'u i ona 'a'ao ma ifo ia te ia, ina ua fa'aali o ia iā te'i laua.

O lenā le ifoga, o se faiga lea e masani ai tagata o nu'u i Sasa'e, e fa'ailoiloina ai lo latou fa'aaloalo i o latou Tupu, ma folasia manino ai lo latou talia ma le loto ato'atoa ole pule ma le mamalu o i lena tupu. O lena faiga e pei ole mata'u ile olaga fa'a Sasa'e, e matuā sogi ai lava i 'a'ao (vae) ma e matuā ooloo le muaulu ma le muāisu ile palapala. Se ifoga lava 'ina a loloto lona uiga o lenei ifoga. Ma ole ulua'i ifoga lena ile Toetu mai ole Tupu, o Iesu. Ta'atia ia le sologa o mea tutupu, a'o le matau atu ia Iesu, o lenei "O LENEI UA TOE SOIFUA MAI OLE TUPU."

O lo'o i ai i Ierusalemale se tu'ugamau ole fausaga ole ulua'i selau tausaga ole Ali'i. O le mau ua fa'alaua'itele e'i latou na asiasi i lea tu'ugamau, ole itu lea ile ta'atia mai pea o lea

TOMANATUGA FA'ALEAGAGA MO APERILA 2023

tu'ugamau ua tu'ufua..Ua latou fa'apea mai, e lē o se mea taua le fesili po'o le tu'ugamau tonu lava lea o Iesu, auā ole ta'aligoligoa ma le paū fa'apea le mamalu o lena fanua na foa ile papa, na gae'etia ai o latou loto ma latou lagonaina ai, "O IA O LO'O SOIFUA." E atili ona olaola lea lagona auā so o se tagata e ulufale i lea tu'ugamau, a o'o ina faliu e ulufafo, ole a fetoi loa ona mata ma se upu ua tusia matamata tetele e fa'apea "E LE O I'INEI O IA AUA UA TOETU O IA." E fa'amanatu mai ina ia tatou talitonu ma manatuaina pea, ua tatalaina Keriso ma ua le toe punitia lona afio ai pea i mea uma lava

Ioe le tatou Kapelenisia e, o tatou Aiga ma uo, le au faitau a lenei auaunaga, a'o tatou sauni e ulufale atu ile Vaiaso Paia o lenei fo'i Tausaga, ole finalago o Iesu mo oe ma i tatou uma, ia o'o le tala ole fa'aolataga i tagata uma. O ai na fa'aloge, e au 'ina e alu e logo. O ai na iloa, ia na toe fa'ailoa atili. O le mamalu lava lea ua aumai ai nei le tala ole toetu. O le poloa'i ia Maria ma Maria ia logo le au so'o.. A'o le poloa'i ile auso'o, ia logo le lalolagi ma ia o'o i tulu'iga uma.

Ua e logo lou Aiga? Ua e logo lau fanau? Na e taua lea feau i se aso lata mai nei i se uo sa oulua tafafao? Ou te le fai atu ina ia se'i tatou tau fai Lauga uma ile alatele, pe ina ia tatou fa'alavelave ai fua i nisi ma ni a latou galuega ma feau tatau o fai. Aua e mafai lava ona leotele ma leo manino le ola usiusita'i, ola alofa, ola loto fa'amaulalo ma ola

fa'amaoni i lo ni upu o se lauga se fia selau miliona.

Le au uso e, ole Tala o le Maluu, le Toetu ma le toe Soifua mai o Iesu Keriso, ua moni tumau pea lona moni, auā ua feiloa'i mai pea o ia i ali'i ma tama'ita'i o lea tupulaga ma lea tupulaga, o lo'o feiloa'i atu fo'i o ia ia te oe ma a'u i taimi uma lava, i lea nu'u ma lea nu'u, i lea gagana ma lea gagana, i lea falesa ma lea falesa, i lea lanu ma lea lanu, i o tatou aiga, i falefaigaluega, i falema'i, i falepuipui, atoa ma le vao po'o le sami, i mea uma lava.

O le tala ole Toetu, ole tala e le uma, e le tatau ona selemutu 'ina ua tuana'i lona fa'amanatuga. O le ala lea e ao ma tatau ai pea ona tatou ifo ile Tupu. Ina ia tatou iloa leTupu, ma ola usiusita'i ile Tupu. Aua o lea lava Tupu, ua tu'uina atu uma e ia o lona soifua." *INA IA AFIO MAI OLE TUPU, INA IA MALIU OLE TUPU, E SOIFUA MAI O IA OLE TUPU MA IA SOIFUA AI PEA OLE TUPU MONI E FA'AVAVAU FA'AVAU LAVA AMENE.*

[IA MANUIA TELE LE ESETA I AIGA UMA, AEMAISE AULOTU TAITASI UMA O LA TATOU KAPELENISIA SAMOA.](#)

[Soifua ona o Keriso](#)

[Vaueli & Veronika Tuitolova'a \(FKS \)](#)

3

AFIOGA KATINALE JOHN DEW



9 Mati 2023

Kia tau te Rangimarie ki a Koutou

Ua tatou ola ai nei i se vaitau ua poloa'ia ai tatou e fa'aeteete i le tele o mea. O tulafono e uiga ile soifua maloloina ma le saogalemū ua i so'o se mea, ma e tatau ona i ai. E mana'omia ona tatou tausisi i le saogalemū iā tatou auala, nofoaga o lo'o fausia ai fale, ma le sopo'ia o auala. E faigofie lava ona tatou lavevea i o tatou aiga ma afaina ai tatou i le tauavea o nisi mea pe o'o atu i ni faigatā pe a o atu i le matafaga. O le fa'aeteete o se vaega o tatou olaga, ma o fa'ailoga ma tulafono uma o latou uiga mo le saogalemū o tatou. E masani lava a tatou fa'aeteete, e maua lava le saogalemū. I le Misasa i se tasi o taeao, aso To'ona'i na fa'afuase'ia ona oso mai se manatu a o matou tataloina Salamo, e lē masani ona ou fa'alogoia fuaiupu a le Salamo ma e fa'a'atū tele i le manatuaina ma le faia o le tali. O le mea sa ou maitauina ae le'i amataina le Misasa i lena aso To'ona'i o lo'o matou mulimulita'i i upu nei mai le Sala-

mo 119: 4: "Ua e tu'uina mai au poloa'igaina ia usita'ia ma le fa'aeteete."

Sa fa'ate'ia a'u ma maofa i le upu : "ma le fa'aeteete" ma mulimuli mai ai i lena taeao na su'eina se isi fa'aliliuga o lenā lava fuaiupu. Se tasi e fa'aliliuga e fa'apea:

"O oe lava na e poloa'i mai iā matuā tāusiusi i au fe'au."

O ni matagofie tele, e tatau ona tomanatu loloto i ai i nei vaitau o le Fagafulu o se taimi ua vala'auina ai i tatou e

AFIOGA KATINALE JOHN DEW

va'ai toto'a i le Upu a le Atua "ma le fa'aeteete" po le "ma le filigā?"

Pe tatou te "fa'aeteete" e tomanatu i le Evagelia ma le tele o vala'aulia ua tu'uina mai e Iesu i o tatou luma? Pe o tatou "filigā" i le taumafai e ola ai Fa'amanuiga ma Poloa'iga? Fa'apea auala tatou te fa'alogo ma tatalo ai i Misasa?

Fa'atasi ai "ma le fa'aeteete" ma le "filigā" atonu o ni upu lelei e fa'aogā e tomanatu ai i o tatou olaga a o tatou taumafai e ola fa'alatalata atu i le Atua i lenei vaitau o le Fagafulu. O upu ia e mafai ona tatou fa'aogaina i o tatou olaga i aso ta'itasi, o tatou feso'ota'iga ma isi, faia a tatou galuega masani i aso ta'itasi, ma faia se taimi e malolō mai ai ma iloa le afio ai o le Atua.

O le ola ai o le Evagelia i lona uiga o mea uma lava i o tatou olaga mai lea aso i lea aso ua fa'aoloina pe afai tatou te ola "ma le fa'aeteete" ma le "filigā".

16 Mati 2023

Toe Fa'atalofa atu ia te outou

O lenei tusitusiga ua lē masani ai e pei ona sa tatou o mai e ta'ilua vaiaso ma avatu se fe'au mo outou. Sa avatu se tusi i le vaiaso ua tuana'i, ae ua ou toe tusi atu o se tusi mulimuli lenei mo se vaitaimi. Sa maua i ni faigatā talu ona maua i le fa'ama'i o le Koviti iā Me i le tausaga

ua tuana'i. I le amataga sa ou manatu o se mea e a'afia mai le Koviti, ae na toe mauaina i le uma o ni su'esu'ega o se mea e matuā 'ese lava.

Mo le tele o tausaga sa masani ona ou savali i taeao ta'itasi, o ni taimi fo'i o tatalo ma tomanatuga mo a'u ma ni auala lelei e fa'amalosito ai. E le'i mafai ona savali mo se taimi umi mo ni masina e tele talu ai nei ona o ni tigā o neura i o'u vae. O le mea lea, ina ia fesoasoani e fa'aleleia lenei ma'i, o le a ou alu i le falema'i mo se ta'otoga o lo'u tua i le aso Lua 21 Mati. O le a i ai se taimi e sa'ili'ilimalosi ai o le 6 – 8 vaiaso.

Ona o le a ou lē mafai ona faia ni galuega mo ni nai vaiaso, o Akiepikopo Paulo o le a feagai ma le va'aia o le pule'aga ma galuega fai o lea vaiaso ma lea vaiaso, fa'atasi ai ma le fesoasoani a Moseniolo Gerard Burns o le Sui – Epikopo. O Akiepikopo Paulo o le a ta'ita'ia le Misasa o le Suā'u o lenei tausaga, fa'apea le Sauniga o le Eseta i le Malumalu o Sagata Telesia o lo'o avea ma Malumalu a le Epikopo i le taimi nei.

Fa'amolemole manatua mai a'u iā outou tatalo a o feagai atu ma le ta'otoga e faia i le aso 21 Mati.

Naku noa Na

+ Ioane

ASO SA O LE ESETA

Aso Sa o le Eseta

O le toetu o le tala e le'i fuafuaina. I le aso muamua o le vaiaso a o tafa mai āta, o Maria Matalena na alu atu i le nofoaga sa tu'u ai le tino o Iesu ma iloina ai ua fuli 'ese le ma'a, o 'ie o lo'o ta'atitia i le palapala, ma le tino o Iesu ua leai. Na fa'avavevave atu ma ta'u atu iā Peteru ma Ioane, o ē ua ofo i le mea ua tupu. Se'i o'o mai i lenā taimi sa lē malamalama i a'oa'oga a tusitusiga pa'ia e tatau ona toetu Keriso mai le oti. I masina i luma o le a latou maitauina ai pea le mana o lona toetu o lo'o galue i o latou olaga i aso ta'itasi, vala'auina i latou ina ia ola ai i se auala fou. E fa'apea fo'i ua fa'atumulia i tatou i le fa'amoemoe a o tatou patipatia ma folafola o Iesu Keriso ua toetu, ona o le mea na tupu i le ulua'i Aso Eseta o lo'o fa'apea ona i ai ni a'afiaga mo tatou. O le toetu e faigata ona talitonuina, ae o le misitelio autū lea o lo tatou fa'aolataga. O le manumalō a Keriso i le Eseta ua tatala ai uma filifili a agasala sa tatou faia mo tatou lava.

O le Eseta ua vala'auina i tatou e patipatia le tulaga o le malamalama o Keriso ua sau i le pogisa o la tatou lalolagi ua tatou maua ai le fa'amoemoe mo se lumana'i sili i lo se mea sa tatou mafaufauina. Ua lu'itauina ai i tatou e fa'asoa i se ituaiga o olaga ua sili atu i mo'omo'oga a lenei lalolagi. E lē ausia lenei vaganā ua tatou o 'ese mai o tatou

auala agasala i le sopo'ia o mea ua taofiofi ma saisaitia ai i tatou ma avea i tatou o ni tagata o le toetu. E leai se uiga o le Eseta mo i tatou pe ana le tu'ua e Keriso lona tu'ugamau ma ua tatou matata'u e o mai ma ave'ese atu le pogisa ole agasala i le fa'aalia o tatou lava i lona malamalama. O tatou fa'amoemoega uma ma fiafiaga e sau mai le toetu o Keriso. Ua fa'aailoa mai ai o le alofa o lo'o i ai pea ile lalolagi ma ua sili atu lona malosi i lo le leaga o lo'o tauave e se tasi. O le tala lelei la o le pogisa atoa uma ma taimi o fa'anoanoaga o le olaga o le avanoa e i ai le toetu ona o le to'ilalo o le taunu'uga ma e leai se ola ua tusia e leai sona fa'amoemoe.

O tatou lava e atia'e ma fa'aleagaina o tatou taunu'uga ma ia tatou fa'aogā le mana a Iesu e fa'amaunua ai o tatou olaga e tuputupu aga'i atu i le Atua. E ala i la tatou fa'atasisiga ma le Keriso i le papatisoga ua tatou fa'asoa ai i le mamalu o lona toetu. O le patipatia o le Eukalisititia ua tatou maua ai le avanoa e fa'afou ai o tatou taumauga iā Keriso lava ia, i le faia o se va'ai fou i le olaga ua tatou folafola e uia. Papatisoga o lona uiga o le avea o le upu a le Atua e nofo i o tatou loto i le faia o mea uma i o tatou olaga i le suafa o Iesu Keriso. Le Ali'i e, o matou o ou tagata, tatala o matou loto i lenei Aso o le Eseta ma fa'ateleina le mealofa o lou ola i totonu o matou.

Le Tamā i le lagi, fa'afofoga i tatalo ua matou ofoina atu

ASO SA O LE ESETA

ma le loto maualalo. Fa'ateleina o matou talitonuga i le toetu a lou Alo ina ia fa'atasi pea ma i matou le fiafia a le Eseta. O la matou tatalo lea e ala atu ia Keriso lo matou Ali'i. Amene.

Aso Sa Lua o le Eseta

I le vaitau ina ua amata ona avea le fa'atuatua ma misitelio ma faigatā ma ua aga'i atu ona mou atu, ua tu'uina mai e le ekalesia i o tatou luma se feiloa'iga loloto i le va o Keriso ma Toma, o lana so'o masalosalo. O le a tatou faia se mea sesē tele pe a tatou fa'ate'ā i tua le tulaga o Toma o se tagata e tele lona fa'atuatua. E le faitio se isi iā te ia i le lē taliaina o fa'amatalaga ale au so'o e uiga i le toetu o Keriso e aunoa ma se molimau e tasi. I le mae'a ai o mea na tutupu i le aso Faraiile Pa'ia, ua tele nauā ni fesili mo lona ituaiga o tagata. Sa va'ai Toma ile Ali'i, o lē ua ia alofa tele i ai, na maliu i se oti a se pagotā, fa'akoluseina i le va o ni tagata gāoi ma i nai itula i luma atu sa molimauina Peteru o folafola lona fa'amaoni iā Iesu ona tinea lea e ia fa'atolu. Sa fa'avaivai loto, lē mautinoa ma ita na ma'a'a ai lona loto i lona fesiligia ma le lē mana'o e talia le upu mai isi. O le mea na tupu ua fa'aali mai ai, i se fa'aliga mata'iga, le faigamalaga ale to'atele o tagata mai se tulaga o le lē talitonu atoatoa i se tasi o le fa'atuatua atoatoa. O le i ai o masalosalo iā tatou sa'ililiga mo le moni e lē o se mea e māasiasi ai ma e mafai ona avea ma amataga o le olaga o le fa'atuatua. Sa masalosalo Toma e uiga i vaega autū pe na toetu mai le oti ma o lo'o soifua

pea. O i'ina o lo'o ta'oto ai le fatu a lo tatou talitonuga atoa.

O Toma ma ana tu'ufesili atamai ma lona mana'o mo ni tali e fa'amalieina ai o se ituaiga o tagata lelei mo so'o se fa'apopotoga, ma gaiioi o se puipui atu i talitonuga ua ova atu le amioatua. I le tele o auala ua ia fa'aleo maia taimi o tatou lē mautonu, pe a tatou fesiligia tulaga fa'atūaina fa'alelotu ua tu'uina mai iā i tatou.

I lenei olaga, o le fa'atuatua o se tauiviga e faifai pea ma e i ai taimi o fa'afitauli pe pogisa o tatou mafaufau ma fa'aletonu ai la tatou va'aiga o le Atua e āo o le masalosalo. E leai se mafanafana e uiga i le talitonuga o se lu'itau iā i tatou e suia o tatou olaga o se taunu'uga o la tatou feiloa'iga ma Iesu. O Iesu toetu o lo'o i ai fa'atasi ma i tatou iā tatou fa'apopotoga e pei ona fa'atasi atu ma Kerisiano anamua ma ua vala'auina i tatou ina ia ola ai o tatou olaga i lona suafa. E ala i le fa'atuatua ua tatou ulufale atu ai i se mafutaga ma Keriso ma fiafia ai i le olaga fou ua ia ofoina mai.

O le fa'atuatua iā tatou feiloa'iga ma le Atua ma o le a sau taimi i le olaga pe a le taunu'u mea uma o lenei olaga ma ua leai se fa'amoemoega vaganā lo tatou fa'atuatua: Le Ali'i e, fesoasoani mai iā i matou uma. 'Ou te fa'atuatua, fesoasoani mai i lo'u lē fa'atuatua.'

5

O LE ASO SA O LE PUAPUAGĀ

O le Vaiaso Pa'ia, o le taimi aupito sili le pa'ia i le tausaga fa'alelotu, amata i le asō i le ulufale manumalo a Iesu i Ierusalem. Le anoanoa'i o tagata fiafia ua lolofi atu i le 'a'ai mo le tausamiga fa'alelotu mo Tapenakulo, o se lagona fiafia a o latou fofola a latou sulutaga i le auala, ma talotalo a latou palema i le 'ea ma folafola atu o ia o la latou tupu i le lalolagi nei. O se fa'alogoga malosi i lenei taimi ua toe fa'aleo mai i le pese fiafia: 'Osana ile Alo o Tavita.' Sa leai se manatu tele a Keriso i le motu o tagata e fesuisuia'i o latou manatu ona a o alu a'i le vaiaso, o lau palema o le a sui ai se koluse ma le osana o le a avea ma fa'amanuiaga a le motu fa'aleoleole o tagata ua vala'au mai fa'apea: 'Ia fa'akoluseina o ia, ia i luga ia i matou, ma a matou fanau lona toto' (Mataio 27: 25).

O le puapuaga ua aumaia iā i tatou le fa'atumutumuaga o le agaga maualalo a Iesu ua sili atu i lo le fa'aleagaina fa'alitino o le fa'akoluseina. Sa i ai mafatiaga ma le tigā o le mafaufau e onosa'ia ma o lenei mafatiaga sa ma'oe tele o lona āfu maligi na avea ma toto maligi ae le'i tutu'ia fao i lona tino i luga o le koluse. O i ai to'atasi ma le to'esea sa ia lagonaina ina ua sosola ana uō mai le mauga o Kalevalio ua le tutusa lea ma le fa'alogoga na o'o i ai ina ua lafoa'i e le Tamā: 'Lo'u Atua e, lo'u Atua e, aiseā ua e tu'u lafoa'i ai a'u?'

O se mea sesē iā i tatou le manatu ma le mafanafana o tatou lava ose kulupu Iutaia na fasiotia Keriso. O tagata na a'afia ua pei lava o tatou. O le te'ea ma le fa'akoluseina o lo'o fa'aauu pea lava i aso uma. E ao ona tatou mana-


tuaina o tatou ta'ito'atasi sa iai se sao i le maliu o Iesu pe tatou fa'atigā atu i isi e ala i tala fe'avea'i ma le fa'aleagaina ma le soli i lalo mo a tatou lava lelei. O Iesu ua fa'akoluseina i taimi uma ua fa'aleagaina ai se tagata, pe leaga le faiga po le ave'ese mai o lona sa'olotoga. O lenei vaiaso mulimuli o le Fagafulu o e avanoa tele e patipatia ai le maliu, toetu o le Ali'i i se auala o le a suia ai o tatou olaga. O le moni fa'atauva'a lava o le masani Kerisiano ua fa'aleagaina e le agasala o tatou olaga, ua fa'aletonu ai la tatou lalolagi i le ta'ita'ia i tatou ia faia a tatou mea masani ma le loto ma'a'aga i le Atua. O le koluse ua si'i i luga o se fa'aailoga ua aveina e Keriso agasala a le tagata iā ia lava ina ia fa'aleleia o tatou loto, i le fa'aalia o le loloto o lona alofa atoatoa. O le va'aiga na manatu le Atua sa talafeagai mo tatou puapuaga ma mafatiaga uma e tatau ona fa'aitiitia ai i tatou i le leai o se leo. E le tatau ona tatou fa'agaloina na maliu Iesu i luga ole koluse ina ia tatou maua se olaga fou. E tatau fo'i iā i tatou ona taumafai iā tatou lava aula faigofie ona fa'ata'ita'i iā te ia.

I lenei aso mamalu tatou tu'u atu o tatou mana'oga uma i luma o lo tatou Tamā i le lagi ma talosaga atu i ai ina ia fa'alolotoina lo tatou fa'atuatua, ina ia mafai ai ona tatou taunu'u i se malamalama'aga tele i puapuaga ma le maliu a lona Alo.



6





Galuega ale Au Aposetolo (*fa'auau mai lomiga talu ai*)

18: 1 – 17 O Paulo i Korinito

Ona o le Feagaiga Fou o lo'o maua i ai tusitusiga na tusia e Paulo i se taimi mulimuli i fa'apopotoga Kerisiano i Korinito, ua tatou iloa ai le anoanoa'i e uiga i lenei fa'apopotoga i lo se isi lava ekalesia na fa'avaeina e Paulo. O fetusia'iga ua tatou ta'ua o le 1 ma le 2 Korinito ua tatou maua mai ai se fa'amalama o le fa'aeaina i le fua ma le vevesi a lenei fa'apopotoga ola i le ogatotonu o le vaitau o le ulua'i seneturi. I le afa muamua o Galuega a le Au Aposetolo 18, Luka, o lo'o galue mai se isi tusitusiga i lo na o Paulo, fa'aailoa mai ai le amataga o lenā ekalesia mata'ina. O nisi o tusitusiga na fa'aailoa mai ua maua ai ni feso'ota'iga taūa ma fa'amaumauga mai le tala'aga; o isi tusitusiga ua fa'amatala mai ai fa'augaga fa'aosofiaina a Luka o na mea na tutupu, fa'aalia ai mea ua faia e le Atua e ala i fa'aletonu ma le alu lelei a le tagata i lena auala pisi a le lalolagi anamua.

Galuega 18 ua ofoina maia ni feso'ota'iga taūa ma tala'aga fa'alelalolagi. Ua fa'amatala mai e le tusi tala fa'asolopito Roma o Suetonius o le tupu o Claudius na fa'ate'aina ni suli o le fa'apopotoga Iutaia i Roma ona o se "vevesi" na mafua o se tasi o "Chrestus" i le tausaga A.D. 49. Ua manatu le au atamamai o le fa'aupuga o lo'o fa'asino ia *Christos* (Keriso). Ua foliga mai o lo'o fa'asino i se vevesi na mafua mai le au Kerisiano Iutaia mai Ierusalem le tala'aiga o Iesu o le Mesia. O Pisila ma Akula la, ua va'aia o se vaega o lenā kulupu na fa'ate'a 'ese mai Roma. O latou o ni "Iutaia mo Iesu" sa tali malō i fonotaga Kerisiano i o latou fale (1 Korinito 16: 19) e pei ona latou faia i se taimi mulimuli i Roma, ina ua fa'atagaina e Nero tagata Iutaia e toe fo'i atu i le lima o tausaga mulimuli mai ai (va'ai Roma 16: 5). O lenei ulugali'i sogasogā na la avefa Paulo o se malō fa'aaloaloga, le la fa'auō fai fale'ie ma misiona fa'amesia. O se tusitusiga na maua i le 'a'ai o Delphi ua

aumaia le aso o le konesula a Akaia, Kaliona i le tausaga A.D. 51 – 52, ua maua ai se isi feso'ota'iga ma le tala'aga a le lalolagi.

Ae o le tala'aga pa'ia sa naunau i ai Luka. Ua ia fa'aalia mea sesē ale tupu ma le fa'ai'uga a se kovana e mafai ona fa'aoga e se polokeki mamana. O Akula ma Pisila o le to'alua ia ua galulue fa'atasi nei ma Paulo, ma la latou talimalō lelei ua mafai ai e le Aposetolo ona i ai (e pei o lona nofo ai mo le luasefulu – fitu masina i Efeso; va'ai 19: 10) o lana nofo ai fa'alua ua leai se taulaga e tasi ua umi mo le sefulu valu masina.

Sa fa'auaua e Paulo ni fa'atalanoaga i fale Iutaia mo a'oa'oga, fa'atasi ai ma le au matata'u i le Atua o Tagata o Nu'u'ese fa'apea Iutaia sa 'au ai, vaega e masani ona va'aia o ni i'uga. O le to'atele o Iutaia sa te'ea le fou o se tufuga fa'akoluseina ua folafolaina o se Mesia ma "le Ali'i". Ae o lo'o i ai ni tu'usaunoaga iloga: O Kiripo le pule o le sunako, ma le tasi o tagata mata'u i le Atua o Iuso e ana le fale ei autafa o le sunako. O galuega a Paulo ua fa'amausalina e se fa'aaliga a Iesu i le po na fa'amafanafanaina ai o ia i gagana na toe manatuaina ai le folafolaga mamana o le lagolagosuaina o perofeta o Isaia ma Ieremia ("ou te fa'atasi pea ma outou").

O le fa'apopotoga Kerisiano fefilo'i ua ta'ua nei o "tagata ale Ali'i" (*laos*, o le upu fa'atusi pa'ia mo tagata o le feagaiga; le mafua'aga o la tatou upu "tagatā lotu"). Ina ua aumai e fili Iutaia a Paulo o ia i luma o le suikonesula o Kaliona, sa ia fa'amausalina ma le lē iloina o "tagata o le feagaiga" a Kerisiano i le fa'aleagaina o a latou tu'ua'iga aga'i iā Paulo o se mataupu o a'oa'oga Iutaia, suafa, ma le Tulafono (v.15) ...*fa'auaua pea*....

O LE PEASE A LE 'AU'AUNA

O Le Tinā Fa'anoanoa

'Sa tutū latalata ane i le satauro o Iesu o lona tinā' (Ioane 19: 25).

Sa tatou fa'atasi ma Maria i sekasio 'ese'ese o lana malaga 'ese atu, o lana alu'ese atu ma le malaga. Ua tatou va'aia o ia ina ua i ai le tamaititi, sa tatau ona alu 'ese mai lona aiga ma ina ia fanau mai Iesu o se tagata faimalaga aupito sili le mativa. Ina ua fa'aailoa atu e le perofeta o Simeona iā Maria o le tuia o lona loto i se pelu, a ua masani o ia ma lenā manatu. I le sopoia o le toafa fa'atasi ma Iosefa ma le tamaititi ma o mai e nonofo o ni tagata fai malaga i Aikupito, ua toe manatua ai le tala'aga o ona tagata, ua aloalo atu Maria i lona lava fo'i potu masani le te'ena mulimuli o Iesu e ona lava tagata. O le tolu o aso o le mafatiaga i le sa'ilia o Iesu i le malumalu ua aumaia se mafatiaga o le lumana'i. E leai se isi ua sili atu lona puapuagatia i le sa'ilia ma le mauaina o Iesu i le malumalu o lo'o valaloina le popolevale. E leai se isi na sili atu le loloto

o ona mafatiaga tele e pei o lona tinā ina ua le mauaina e Iesu le fa'atuatuaaga iā i latou sa fa'apitoa ona sauniunia e le Atua i ana fa'aaliga.

E le'i i ai Maria i le taimi o le ulufale manumalō a Iesu i Ierusalem, ae sa i ai i le itula mautū o le fa'aolataga o le lalolagi, i lalo o le Koluse. Ua sili atu i puapuaga a se tinā i taimi o le fanau mai o se pepe, ua puapuagatia Maria i le fa'alogu atu i upu o mafatiaga mai iā Iesu, 'Lo'u Atua e, lo'u Atua e, aiseā ua e tu'u lafoa'i ai a'u?' Ua mafatia tele lona loto e pei o Iesu, ma ua fa'atasi atu ma ia ina ua ia tu'uina atu o ia i lima a lona Tamā. I taimi o puapuaga ma le maluu a Iesu, ua ola ai Maria i tigā ma le pa'iaga e leai lava ma se isi e malamalama lelei i ai e pei o Iesu lava ia: 'Amu'ia e fa'anoanoa ona e fa'amafanafanaina i latou'. Fa'atasi ai ma Iesu, sa puapuagatia o ia i le alofa Togiola. O ana fa'anoanoaga o se fa'aaliga o le fa'atuatua ma le alofa. O se fa'aailoga o lana matafaioi i le aiga fou e iloina ai e

O LE PEASE A LE 'AU'AUNA

O Le Tinā Fa'anoanoa

tagata uma le tulafono a Keriso, o le tauavea o le avega a le tasi ma isi. Tu'ufa'atasia ma Keriso, ua tauavea e Maria la tatou avega.

Ua iloa e Maria le igoa o Iesu, 'Le Feagaiga a Tagata'; ua ola ai o ia le misitelio o le lavea'i lotogatasi o le a tautatala ai le au aposetolo ma le loto atoa." Ou te olioli nei i mea ou te tigā ai ona o outou, ou te fa'aatoa fo'i i lo'u tino o mea ua totoe i puapuaga o Keriso ona o lona tino, o le Ekalesia lea" (Kolose 1: 24). O Maria le 'au'auna o le fa'aolataga sa ola ai lenei misitelio i se auala maoa'e tele o le Eva fou ua tu'u fa'atasia ma le Atamu fou. E le fa'apea e le taunu'u puapuga a Iesu e aunoa ma puapuaga a Maria. I se isi va'aiga, o le malosi tele o le maliu a Keriso ma lona toetū na avatu ai iā Maria ma le au so'o uma a Keriso, le paoa e fa'asoa ai i lana lavea'i lotogatasi.

A tatou vala'au Maria o le Eva fou, po 'Fa'aola – fa'asoa' po le 'au'auna o le fa'aolataga, e le fa'apea i se isi va'aiga ua tineia o Keriso lava ia e to'atasi o le Puluvaaga, lo tatou Lave'ai, lo tatou Fa'aola, ae ua fa'aalia ai le anoanoa'i i puapuagatia a Keriso, maliu ma le toetu, ma o se vi'iga ma le fa'afetai foa'i ua ofoina atu i lo tatou Puluvaaga ma Fa'aola, ua tu'uina mai i tatou ia avega ma fa'asoa loto maualalo i lana galuega. Ina ia mafai, fa'atasi ai ma Paulo, ofo atu la tatou fa'afetaimolia e ui o tatou mafatiaga ma puapuagatia; e lē o se fa'afetaimolia mo puapuaga e pei ona fa'apenā, ae mo le liutino tagata o puapuaga ma le maliu i le lavea'i tu'u fa'atasi ma le maliu ma le toetu o Keriso. E lē malamalamaina la tatou fa'asoa e aunoa ma le avatu o la tatou va'ai atoatoa i le avanoa e fa'asoa ai le Eva fou, o Maria.

O le a lava la tatou fa'asoa i le misitelio o le fa'aolataga, e masani o le seleselega o le puapuagā, maliu ma le toetū a lo

tatou Ali'i Iesu Keriso. Ma e aua ne'i o tatou fa'agaloina le fa'asoa fa'apitoa na maua e Maria ma fa'aauau ona i ai i lenei misitelio tele.

Matou te vivi'i ia toe oe, le pa'ia ma le Tamā alofa, mo le puapuaga, maliu ma le toetu o Iesu, lou Alo, na suia le uiga o matou puapuaga ma le oti. Ua laveaina i matou mai le pologa o le agasala pe afai matou te ulufale atu ma le fa'afetai i le misitelio o le fa'aolataga.

Matou te vivi'i atu ia te oe ona o le tala'iga ua e tu'uina ia Maria ma le fa'atuatua, le Eva fou, le Tinā fa'anoanoa i lenei misitelio. Aumai ia i matou le loto tele ma le fa'afetai e tauave ai la matou koluse, ma amo se vaega o le avega a matou uso ma tuafafine.

Le Tinā fa'anoanoa e o Iesu, ua manuia oe, ona o ou puapuagatia e le pei o latou sa maua i le faia o le agasala ma le gaogao o lenei lalolagi fa'apito.

O au puapuagatia ua tutusa ma Keriso.

O oe na puapuagatia ma le fa'atuatua, fa'amoemoe ma le alofa mo matou uma, tatalo mo matou ina ia matou, fa'atasi ma oe, mulimulita'i Keriso i le ala o le Koluse. Amene.

Aua le fefe i le faia mea sesē

Na talanoa Pope Faranisisi i tupulaga Katoliko e 'aua le fefe e faia mea sesē pe a o fai ni tala'iga. Sa ia faia lenei tala a o talanoa atu i tupulaga talavou sa potopoto mo le "Hechos 29" fonotaga talavou i Mexico. Ou te le fa'avaivai e fai atu pea ou te mana'o i se ekalesia ua fa'amanu'alia ona e alu atu i tautala'asi'usi'u o le lalolagi, i lo se ekalesia ua ma'i ona e tapunia tumau i ona ia lava papuipui," fai mai ai Faranisisi. Na fa'amamafa mai e Pope Faranisisi o Kerisiano e lē tatau ona popole pe matata'u e faia ni sesē pe a fa'aevagelia. "Ae maise lava pe a taumafai e 'a'apa atu iā i latou o i ai le mana'omia i avanoa fa'atafa'ilagi."

O le fa'amatalaga a le koneferenisi e fa'apea o se "fonotaga fa'avā o malo a faievagelia fa'anumeraina ua sa'ili e fa'ate'ia tagata uma ua 'au ai se fa'anaunauga e avega ma atia'e le Ekalesia". Na ta'u atu e Faranisisi i ali'i ma tama'ita'i talavou sa 'au atu i le Hechos 29 o le fonotaga o se "fa'apogai ta'ua mo galuega fa'amisionare ale si'osi'omaga fa'anumeraina.

"Ia fesoasaoni lenei fonotaga ia outou e lagonaina o se fa'apotopotoga, o se vaega a le olaga fa'amisionare a le

ekalesia, e le'i fefe lava e alu atu ma feiloa'i i tafa'ilagi ma tua'oi. Ma, fa'atasi ai ma le fatufatuga ma le loto tele, fa'aailoa le alofa ma le agalelei o le Atua," fai mai ai o ia. Sa fa'asino fo'i Faranisisi i lana tautalaga i ta'ita'i o ekalesia i lana asiasiga i Kanata. Sa ia fa'amamafaina le mana'omia ina ia "sa'ili auala fou e folafola ai le fatu a le Evagelia iā i latou e le'i feiloa'i atu iā Keriso".

O le au fai evagelia i aso nei e tatau ona fa'aogā "fausaga fa'alafu lemū e pa'i atu ai i tagata i nofoaga o lo'o latou aumau ai, ae le fa'atalitali mo latou e o mai, ae i nofoaga e nonofo, ma iloa ai avanoa e fa'alogologo ai, talatalanoa ma feiloa'i" fai mai Faranisisi.

Fai mai o ia, "E tu'itu'i mai le Ali'i i le faitoto'a ina ia ulufale mai i totonu tatou, ae e fa'afia ona ia tu'itu'i mai le faitoto'a mai totonu ina ia tatou tatala mai o ia i fafo." Sa ia fa'atauanau atu i le au fai evagelia talavou e faia la latou misiona ma avega o ni Samaria agalelei i lenei vaitau fa'atafa'ilagi "ina ia mafai ona iloa e aganu'u fa'aonaponei le Atua i le fa'alogoina o ia i totonu o latou.

Aua le fefe i le faia mea sesē

Fai mai o ia,” O ma aumai le fa’amoemoe a Iesu, aemaise i latou ua taumamao atu, avatu iā i latou mafua’aga mo le fa’amoemoe.”

“Ia fa’atasia au upu e le alofa, ma ia avea lou ‘au ai fa’afatusa e fa’amalositia ai lou ‘au ai fa’aletino, ina ia fausia ai se tu’ufa’atasiga e ‘au ai Iesu i la tatou aganu’u.

O A’a Iutaia a le Eukalisitia

Ina ia malamalama i le Eukalisitia, e tatau ona tatou manatuaina o Iesu ma ona ulua’i so’o o Iutaia uma i latou. E mafai fo’i ona tatou fa’apea ane o ulua’i Kerisiano o tagata Iutaia sa tete’e ona e lē pei o a latou uso Iutaia sa latou talitonu o Iesu o le Keriso, le Mesia. I le mae’a ai o le Penetekoso, o Iutaia Kerisiano sa fa’aaauu pea ona o atu i le malumalu e fai tatalo ai. Afai o la e i fafo atu o Ierisalema, ona o lea, i le sunoka i le aso Sapati ma i le aso Sa e fa’apotopoto mo se faiga’ai, fa’ata’ita’i i le Tausama’aga Mulimuli na patipatia e Iesu.

Ona e masani ona talanoa e uiga ia Iesu o le Mesia, o a latou uso Iutaia na i’u ona lē fiafia ma tuli ‘ese i latou mai sunako. E masalo o lenei fa’aaunu’ua o Iutaia na amata i le aso Sapati i taimi o a latou lava sauniga fa’asunako. E pei o a latou uso Iutaia, e faitau mai Tususiga Pa’ia Iutaia, fa’alogologo i se lauga, fai tatalo ma peseina o salamo. Ae i lenei sauniga sa latou fa’aopoopo i ai tala e uiga ia Iesu, na avea ma Evagleia, ma Tusi mai ta’ita’i Kerisiano e pei o Paulo.

I se taimi, na amata ona tomumu tagata, “Aisea tatou te feiloa’i fa’alua ai? E le mafai ‘ea ona tu’u fa’atasia nei sauniga e lua?” O le mea lea, o le sauniga fa’asunoka sa fetu’una’i ua avea ma Sauniga o le Upu mulimuli mai ai i se mea’ai na fa’atusaina i le Paseka sa patipatia e Iesu.

O le Eukalisitia Kerisiano i aso nei o se tu’ufa’atasia o le sauniga Iutaia i le sunako ma le mea’ai o le Paseka e pei ona fetu’utu’una’i e Iutaia Kerisiano anamua. A galo iā i tatou o tatou a’a Iutaia, o le a tatou lē malamalama i le Eukalisitia po se isi mea e uiga i le fa’a- Kerisiano.

O le toe fa’afouina o le sauniga i le mea’ea o le Vatikano I I sa i ai se a’afiaga tele i le Sauniga o le Upu. I luma atu o le Vatikano II, o le sauniga sa i le gagana Latina ma o filifiliga o faitauga mai le Tusi Pa’ia sa itiiti lava. I Misasa i aso aunoa, e masani ona tatou fa’alogologo i fa’ata’oto o le atamai ma le fa’avalevalea ona o lena Evagleia sa fa’aoga i le sulufaga a se taupou. Ma o lea, o le ositaulaga o lo’o lauga e masani ona lē amana’iaina faitauga.

I le mae’a ai o le Vatikano II, o sauniga ua fa’aliliuina i le gagana Peretania ina ia malamalama i faitauga o le Tusi Pa’ia ma tatalo. O le failauga sa fa’amalosi’auina e a’oa’o pe lauga mai i faitauga, ae lē o ni mataupu e lē talafeagai ma faitauga o le aso. Ma na faia se fa’asologa fou o faitauga mo le fa’asologa i le vaiata o le tolu – tausaga, o faitauga mo aso Sa o le a aumai ai se filifiliga a’ia’i o faitauga o le Tusi Pa’ia.

E fa’apena fo’i faitauga o le vaiaso ua aumai ai le tele o le Tusi Pa’ia mo le ta’amilosaga o le lua – tausaga. I le mae’a ai o seneturi e tele o le tu’ulafoaina, ua fa’amalosi’auina Katoliko e faitau le Tusi Pa’ia, se mea o lo’o faia pea e le au Porotesano ua sili atu i lo Katoliko.

O le fa’atuatuga Katoliko i aso nei o lo’o maua i ai ni atamamai fa’asikolasipi i le Tusi Pa’ia i le lalolagi, ae o le fa’anoanoaga e itiiti lava mea o lo’o sau i lalo i tulaga tau palisi.

E le o lelei lava le galuega i Seminalio i le a’oa’oina o latou e tala’i le Tusi Pa’ia o lo’o taumafai i le tofi. Ae o le a’oa’oina e le o se vaega tele lea o le olaga palisi e pei o ekalesia fa’aevagelia. O se tasi o auala sili mo le sauniuni atu mo le Eukalisitia o le a’oa’o ma tatalo i faitauga o le Tusi Pa’ia ae le’i aga’i atu i le falesa. O le fa’atulagaga o le Sauniga o le Upu o le tasi o le “folafolaga ma le tali”. O le manatuaina o nei faiga e fesoasoani iā i tatou e malamalama o a vaega o le sauniga e mana’omia le fa’amamafa ma vaega e fa’aitiiti. Mo se fa’ata’ita’iga, o le ta’uta’uina o agasala i le amataga o le sauniga e le ta’ua tele. Ua tu’uina o le “tali” i luma atu o le folafolaga o le Tusi Pa’ia. E mafai fo’i ona tu’uina le fa’apotopotoga i se fa’atavalega ona, i le mae’a ai o se pese fiafia e amata ai, ua fa’atonuina tagata e mafaufau e uiga i o latou leaga ma le mana’omia o le fa’amagaloga. Ona fa’apea ai lea ona tatou o atu i luga ma pepese pe tolaulauina le Vi’iga. O nei vaega uma ae le’i folafolaina le Tusi Pa’ia.

O le salamo fetalia’i o se tali atu i le faitauga muamua ma o le lauga e tatau ona fesoasoani i le fa’apotopotoga e malamalama pe fa’apefea ona tali atu i le Upu folafola. O le lauga e tatau ona fa’amatalaina le Tusi Pa’ia ma fesoasoani i le fa’apotopotoga e fa’aoga mea ua latou fa’alogoina i o latou olaga.

Na fa’amatala e Iesu iā i tatou e uiga i le alofa o le Tamā ma la tatou tiute e tali atu ai i lona alofa i e alolofa mo ia ma o tatou tuā’oi. E tatau i le failauga ona faia fa’apena. O le tatalo o le fa’atuatua ua va’aia fo’i o se tali atu i le Tusi Pa’ia, ae o lona amataga o le tatalo o se vaega o le Papatitoga, ae le o le Eukalisitia. Na fa’aopopo i le sauniga a Sisifo e Pope Penetito VIII i le fa’atauanau a le Tupu o Enele II i le 1014. O le so’ona fa’amamafa o le tatalo e mafai ai ona fa’amuta la tatou tali i se ioe fa’aleatamai i lo se olaga o gaioiga Kerisiano.

O tatalo a le au fa’atuatua laua’itele e tatau o ni tali atu i le Upu sa tatou fa’alogologo i ai, liliu atu i lo tatou Tama

O A'a Iutaia a le Eukalisitia

alofa e pei ona folafolaina i le Tusi Pa'ia ma talosaga atu i ai e fesoasani mai iā i tatou ma o tatou uso ma tuafafine.

I taimi anamua, o tatalo ale au fa'atuatua e masani ona fa'ai'u i le Tatalo a lo tatou Ali'i ma se kisi. O Kerisiano anamua sa masani ona fa'amuta tatalo i se kisi, e pei o se aiga o le a fa'auma le laulauina o le losalio i kisi ma feiloa'iga. O Tertulian (d.220) na talosaga, "O le a le tatalo e fa'ai'u e aunoa ma se kisi?" Mo ia lava, o le kisi o se fa'amausalina, o se "Amene," i mea uma lava na muamua atu. O le kisi i le fa'ai'uga o le Sauniga o le Upu o se fa'aailoga o la tatou tomauga masani i o tatou feagaiga ma le Atua e pei ona fa'amatalaina mai e le Tusi Pa'ia.

"O se luluina i le maliliega"

Atonu o Kerisiano na fa'amutaina la latou sauniga i le sunako i se kisi a o faia pea i aso To'ona'i, ae le'i feso'ota'i atu le sauniga i le mea'ai a Kerisiano i aso Sa. Ina ua tu'ufa'atasia sauniga, sa tumau pea le kisi ma o nisi sa latou fa'aigaina i le tusitusiga a Matio 5: 23 – 24: *"Pe afai fo'i e te avatu lau taulaga i le fata faitaulaga, ona e manatua ai lea ua i lou uso se mea e tigā ai o ia iā te oe, inā tu'u ia i lea mea o lau taulaga i luma o le fata faitaulaga, a e alu oe ia mua'i fa'alelei i lou uso, i le sau ai, ma avatu lau taulaga."*

Ae o lona uiga mai le amataga o se fa'amausalina o mea na muamua mai, e lē o se tapenaga mo mea na mulimuli mai. Ae ui i lea, ina ua fa'alatalata atu le Tatalo ale Ali'i i le komunio, na alu atu ai ma le kisi.

I le assiasiga talu ai nei ale Pope i Congo, Aferika na tatou va'aia ai se fa'asologa e 'ese o le Sauniga o le Upu. O le Sauniga a Congo e amata i le tatalo a sagato ma suli ua

mavae ua talosagaina e "Fa'atasi ma i tatou" a o tatou patipatia le Eukalisitia. O le sauniga o le ta'uta'uina o agasala ma le fa'aailoga o le filemū e mulimuli mai le lauga, ua talafeagai ma le faia o le folafolaga/tali. "Pau le fa'afitauli o lenei fa'asologa ua ave le ta'uta'uina o agasala ua pau lea o le tali atu i faitauga o le Tusi Pa'ia.

Ua vala'uina i tatou e le Tusi Pa'ia e faia le tele o mea i lona o le ta'uta'uina o a tatou agasala. Ua vala'uina fa'apitoa i tatou e mulimuli i fa'ata'ita'iga a Keriso e ola ai i olaga o le faimea tonu, fa'amalologa ma le alofa.

Ua vala'uina i tatou e fa'aauuina lana misiona i lenei lalolagi

O le agasala e le ave ma tulimata'i autu a le Sauniga o le Upu.

Folafolaina ma le tali o vaega ta'ua ia a le Sauniga o le Upu.

O le Upu ua folafolaina, ma ua vala'uina i tatou e tali atu i ai.

O se vaega autū o lenā tali o le patipatia o le Eukalisitia.

Tatou tali atu i le Upu i le patipatia o le Eukalisitia, tatou si'i ai le vi'iga ma le fa'afetai i le Tamā mo ana galuega i le lalolagi. Tatou tu'u fa'atasia tatou lava ma le faigataulaga a Keriso ma tatalo ina ia mafai ona suia i tatou e le mana a le Eukalisitia i le Tino o Keriso ma fa'auau ai lana tala'iga o le alofa ma le faimea tonu i lenei lalolagi.

FAITAUGA MO LE MASI O APERILA - 2023

Aso 2 Aperila Aso Sa o le Palema. Faitauga muamua – Isaia 50: 4 – 7. Matua: Ou te le'i ufiufi 'ou mata i le mā ma le feanu.

Salamo 22: 7 – 8 (tali), 16 – 17 (tali), 18 – 19 (tali), 22 – 23 (tali) tali. Tali: Lo'u Atua e, lo'u Atua, se a ea le mea ua e tu'ulafoa'i ai iā te a'u?

Faitauga lona lua – Filipi 2: 6 – 11. Matua: Ua fa'amaulalo o ia e ia lava; o le mea lava lea ua matuā fa'aeaina ai o ia e le Atua.

FUAIUPU MO LE EVAGELIA:

Ua 'ana'ana Keriso mo i tatou ua o'o ina maliu, o le maliu lava lea i le koluse. O le mea lava lea ua matuā fa'aeaina ai o ia e le Atua ma foa'iina atu ai iā te ia o le suafa e silisili i suafa uma lava.

O TALA I PUAPUAGĀ MA LE MALIU O LO TATOU ALI'I O IESU KERISO MAI LE EVAGELIA MATAIO 26: 14 – 75; 27: 1 – 66.

Tofitofiga o le Upu:

O le asō o le aso Sa o Puapuaga po le Palema. O le aso lenei na ulufale atu ai lo tatou Ali'i o Iesu Keriso i le 'a'ai o Ierusalem i se savaliga manumalo i le sili atu i le luasefulu afe ma ona tupu tausaga talu ai. O Keriso o lē sa tala'i i Kalilaia sa fa'anaunau e fa'amanatu le aso Paseka i Ierusalem. A o ia latalata atu i le 'a'ai, sa ia auina atu ona so'o e muamua atu ma aumai se asini.

O le fa'atulagaga o le sauniga o le asō e i ai lona ta'ua fa'apitoa mo latou o lo'o 'au ai. Ua vala'uina tagata e fa'aalologo i le fa'amatalaga o le ulufale atu i Ierusalem o le Ali'i, ma a latou lau palema, pepese i le polesesio ma fa'amalosi'au iā i latou e fa'aailoa fa'atasi ma le motu o tagata ua fa'aulufale mai Iesu. Ae ui lea, o le Evagelia o le Paseka – o tusi uma e lua o le Misasa ma Faitauga ua manatu o tagata e 'au atu i ai – ua fa'aailoaina i latou o le motu o tagata ua alalaga mai e lē o le 'Osana' ae 'fa'akoluseina o ia!' O le fa'avae i le Sauniga mai le Vatikano Lua ua fa'amamafa mai ai le 'au ai ma le malamalama o tagatā lotu i le Sauniga a le Ekalesia – o se fa'ata'ita'iga fa'apitoa lenei mo latou ua potopoto e fa'amanatu i ai o latou e lē o ni au maimoa ae ua a'afia

uma i le Misitelio ua latou patipatia. I lenei tausaga i le Evagelia a Mataio o le avanoa e tomanatu ai la tatou a'afiaga e maoa'e. Ua tatou maitauina le manatu a Mataio le manatu i le tala (le musuā a Pilato ma le feitaga'i a le motu o tagata, ma le tala maoa'e o mea na tutupu i lena taimi o le maliu) ma fa'apea le gagana maoa'e, o elemene fa'apea (tolusefulu tupe siliva, fufulu ona lima) ua fa'aauau atu i gagana o aso uma, e malosi tele lona fa'aleoina. O le Pasio ua lu'itauina le au fa'alologolo e tomanatu ai o latou va feagai ai ma Keriso, ma e mafai ona lu'itauina ai lena va feagai ai: Ua na ole mulimuli i le motu o tagata? Po le fa'alataina mo se taui? O le tu'ua o le tasi ua le taulau ana taumafaiga? Po le fufuluina o lima mo le faigofie? Ua aumai fo'i e Mataio ni elemene uiga 'ese i lana tala o le Pasio; ua tatou fa'alologolo i le i'uga o Iuta ma lona salamō; ua ta'u mai fo'i ia i tatou le avā a Pilato – o se Tagata o Nu'u'ese (e pei o makoi i le amataga o le Evagelia a Mataio) ua maitauina le taūa o Keriso ina ua le maitauina e i latou sa tatau ona iloaina. O faitauga mai iā Isaia ma le tusi i Filipi o ni fa'aupuga malolosi i le tala o le Puapuaga ma fa'apea ai ona toe vala'auina i tatou e tomanatu i mea ua tatou fa'alogo ma lu'itauina ai i tatou ina ia maitauina lenei i le Misitelio ua tatou patipatia i taimi uma tatou te o mai fa'atasi ai e 'folafola le maliu ale Ali'i se'ia toe sau'.

Se upu i le Sauniga o le Leoleoga a le Eseta

A tatou fa'alogo i ni fa'amatalaga o tagata o lo'o 'faia ni leoleoga' i autafa o le moega o se tasi e alofagia, ua tatou iloaina lelei le uiga o le leoleoga – o lona uiga o le fa'aalu o se taimi – le anoanoa'i – ina ia i ai i'inā, fa'atasi ma i latou. E lē o le faia o se mea, e lē o le ausia o se mea; ua na o se fa'atalitali ma le toto'a. O leoleoga o le Eseta 'O se po ua fa'apa'iaina' – o le patipatia o se sauniga aupito sili le matagofie o le tausaga – 'ua sili ma le mamalu o sauniga uma' – ma e tatau ona tapena ma le fa'aeteete ma le mamalu. O se vaega aupito sili le taūa o le Sauniga o le Upu e 'metitasio ai le Ekalesia Pa'ia i le matagofie na faia e le Ali'i le Atua mo ona tagata, mai le amataga'. Mo latou o le a papatisoina e seāseā i ai se lamatiaga o le Sauniga i le leai o se a'afiaga malosi, ae mo Kerisiano uma, o le matagofie ua folafolaina e le Tusi Pa'ia ma gaioga malosi fa'afa'aailoga ma le malamalama, vai, suā'u, falaoa ma le uaina e mafai o se 'po pa'ia moni ina ua fa'aipoipo atu mea mai le lagi i mea a le lalolagi, ma le mamana i le tagata'. A tapena lelei tagata, o le talatala maia o faitauga matagofie u'umi a le Atua mai le Feagaiga Tuai ua toe fa'amatala moni maia le tala o le fa'atuatua, ma so'o se fa'aitiitia o faitauga o le a avea ma le lē tagolima: 'o mea uma e tatau ona faitauina so'o se taimi e mafai ai ona faia, ina ia fa'asaoina pea le autū o le Sauniga ua mana'omiaina se fa'atalitali a'ia'i ma se va'aiga fa'alefa'atuatua.

MISASA O LE PASEKA I

LE AO

Aso 9 Aperila - Faitauga muamua – Galuega 10: 34, 37 – 43. Matua: O i matou nei lava sa matou 'a'ai ma feinu ma ia, ina ua toe tu mai o ia i e ua oti.

Salamo 118: 1 – 2 (tali), 16 – 17 (tali), 22 – 23 (tali). Tali: O le aso nei ua faia e le Ali'i; ia tatou olioli ma fiafia i ai.

Faitauga lona lua – Kolose 3: 1 – 4. Matua: Ia outou saili i

mea o i lugā, o i ai Keriso.

Solo: Kerisiano e, ia fai vi'iga ma taulaga i le Paseka ua fasia. Ua Togiola mamoe e le tama'i mamoe; o Keriso lē sala ua fa'aleleia i le Tamā o e agasala

Ua tau le oti ma le ola, o le tauiviga uiga 'ese; ua maliu le ta'ita'i o le ola, ae malo ia, ua soifua.

Maria e, ta'u mai ia, po o a mea na e va'aia i le ala? Na ou va'aia le tu'ugamau o Keriso soifua, ma le mamalu o lē ua toetu. Na ou va'aia fo'i agelu molimau, o ie na tanuma'i, ma le solosolo.

Ua toe tu Keriso lo'u fa'amomeoe; e muamua atu iā te outou i Kalilaia.

Ua mautinoa le toe tu o Keriso nai e ua oti. O oe le tupu manumalō, alofa mai iā te i matou.

Aleluia, Aleluia...O Keriso la tatou paseka ua fasia mo i tatou; ia tatou faia le tausamiga ma le fiafia i le Ali'i... Aleluia.

Evagelia – Ioane 20: 1 – 9. Matua: E le'i iloa e i latou le Tusi, e ao ina toe tu o ia nai e ua oti.

Tofitofiga o le Upu:

Se tasi o sini maoa'e a le Evagelia a Ioane o le faigamalaga o le fa'atuatua ua talosagaina ai tagata e faia - o Evagelia fa'alea'oa'oga ua tatou fa'alologolo i ai i lenei Fagafulu, le fafine Samaria, le ali'i na fanau mai e tauaso ma fa'apena lava. O nisi o latou sa feiloa'i atu ma Iesu i le Evagelia a Ioane ua fa'asolosolo ona faia le malaga o le fa'atuatua, o nisi e le'i mafaia ona fai. O le mea lea ua talafeagai ai i le Evagelia a Ioane o le fa'aaliga mulimuli o se malaga fo'i o le fa'atuatua – o se tasi e moni lava i le tala lenei. Ua maitauina e Ioane o Maria Matalena na sau i le tu'ugamau a o pogisā – o le malamalama ma le pogisā mo Ioane e masani o ni fa'aailoga – o le fa'aupuga o Maria 'o lo'o i le pogisā' e uiga i le mea ua tupu. Ua alu atu iā Peteru ma Ioane e avatu le fe'au o le leiloa ona latou faia lea o le malaga aga'i atu i le tu'ugamau ua leai se isi o i ai. Ua ta'u maia lea iā i tatou o So'o Alofagia ua va'aia mea na va'ai i ai Maria ma mea na va'aia e Peteru, ua fa'amaumauina: 'sa ia va'aia, ma na ia talitonu.' O le So'o Alofagia sa faia le malaga aga'i atu i le talitonu, e ui sa ia lē va'aia le Ali'i Toetu. Afai, e pei ona masani ona finauina, le So'o Alofagia o se ituaiga o se so'o talafeagai, ona tatau lea o le fa'atuatua i le Toetu mo latou e le'i va'ai i le Ali'i Toetu. O se mea lenā ua fa'amamafa mai e Ioane i le vaega mulimuli o lana Evagelia, i upu a Iesu ia Toma: 'Ua e fa'atuatua, auā ua e va'ai mai iā te a'u, Amuia o e lē va'ai mai, a e fa'atuatua mai pea' ma i le finafinau a le tusi evagelia sa ia tusia lenei Evagelia: 'ina ia talitonu ai outou, o Iesu o le Keriso lava ia, o le Alo o le Atua; ina ia maua ai fo'i le ola i lona suafa e outou o e talitonu' (20: 31). O latou ua potopoto i lenei taeao o le Eseta ua vala'auina e fa'aauau la latou faigamalaga o le fa'atuatua, gaioi 'ese mai le pogisā o le lē mautonu (e pei o Maria Matalena) aga'i atu i le malamalama o le fa'atuatua e pei o So'o Alofagia.

Aso 16 Aperila Aso Sa lua o le Paseka. Faitauga muamua – Galuega 2: 42 – 47. Matua: Ua fa'atasia e fa'atuatua uma lava, ua tu'u tele a latou mea uma lava.

Salamo 118: 2 – 4 (tali), 16 – 18 (tali), 22 – 24 (tali). Tali:

Vivi'i atu ia outou i le Ali'i, auā e lelei o ia, auā e fa'avavau lava lona alofa.

Faitauga lona lua. 1 Peteru 1: 3 – 9. Matua: O lē na fanaufouina i tatou i le toe tu mai o Iesu Keriso nai e ua oti.

Aleluia, Aleluia... - Toma e, ua e fa'atuatua ina ua e va'ai mai iā te a'u. Amuia o ē lē va'ai mai, ae fa'atuatua mai pea... Aleluia.

Evagelia – Ioane 20: 19 – 31. Matua: Ua mavae aso e valu, ua maliu atu Iesu, ua tu fo'i o ia i totonu.

Tofitofiga o le Upu:

O le tala i le sau a Toma ile fa'atuatua o le Evagelia o aso Sa uma e tolu o le ta'amilosaga, ua fa'amamafa maia lona taūa. Ua amata i le fa'aaliga a Iesu i so'o uma i le Potu i Luga, ua fa'aali le Ali'i ma avatu le filemū, ona ia avatu lea o le mealofa a le Agaga Pa'ia ina ia fa'aoga e i latou mo le fa'amagaloga o agasala. O mea uma na tupu i le afiafi o lenā lava aso o le Toetu. O le gaioga ale au so'o o le 'fa'atumulia i le fiafia', ae sa mana'o e fa'ailoa atili se vaega taūa, o le vaega lena e taūa tele ai le lē i ai o Toma. Ua fa'alogo Toma i le tala mai isi ae le'i sauni e talitonu i le Toetu na o molimau mai isi; sa ia mana'o i mea e sili atu, ma na ia mauaina. Ua fa'aali le Ali'i iā te ia ma fa'aali atu molimau o lona tino ma fai atu iā te ia 'aua e te masalosalo vale a ia fa'atuatua' ona faia lea o le kofesio a Toma ma fa'ailoa Iesu o le Atua. O isi upu a Iesu na fai atu iā Toma, ae o lo'o avatu fo'i i le anoanoa'i o augatupulaga i le lumana'i: 'Amuia o e lē va'ai mai, a e fa'atuatua mai pea' – ua fa'asino lea iā i latou uma ua fa'alogo i lenei Evagelia ua folafolaina i lenei aso Sa. Ona fa'aopoopo lea e Ioane o ana upu mulimuli i lenei mea na tupu. Ua ia ta'u maia iā i tatou i le tele o mea na faia e Iesu ae e lē o fa'amaumauina, o nei mea ua fa'amaumauina ina ia tatou (le au faitau / fa'alogologo) talitonu. Atonu o le fa'atuatua e le maua i molimau o manu'aga (e pei o Toma) po le fa'aaliga ale Ali'i i le potu i luga (e pei o so'o) po se fonotaga i le taeao o le aso muamua o le vaiaso (e pei o Maria Matalena), ae e mafai ona fa'avae i le alofa (e pei o le So'o Alofagia) – o e ua talitonu, e ui e le'i va'ai i le Ali'i. O lenei o mea ua tusia, mea ua tu'uina mai, mea ua aveva ma Tusitusiga Pa'ia ma molimau ale fa'apotopotoga (e pei ona i ai le faitauga muamua o le asō: 'Ua tepa taula'i uma atu i ai tagata uma') ua aveva lenā ma fa'avae o le fa'atuatua: 'A ua tusia ia mea, ina ia talitonu ai outou o Iesu o le Keriso lava ia, o le Alo o le Atua; ina ia maua ai fo'i le ola i lona suafa e outou o e talitonu'.

Aso 23 Aperila Aso Sa 3 Paseka – Faitauga muamua.

Galuega 2: 14, 22 – 28. Matua: Ua le mafai ona taofiina o ia i puapuaga o le oti.

Salamo 16: 1 – 2 (tali), 7 – 8 (tali), 9 – 10 (tali), 11 (tali). Tali: Le Ali'i e, ia e fa'ailoa mai iā te i matou le ala o le ola.

Faitauga lona lua – 1 Peteru 1: 17 – 21. Matua: Ua togiolaina outou i le toto taūa o keriso pei o le tama'i mamoe e lē ponā lava.

Aleluia, Aleluia... Le Ali'i e Iesu, ia e fa'amatala mai Tusi iā te i matou; ia mu o matou loto pe a e fetalai iā te i matou... Aleluia.

Evagelia – Luka 24: 13 – 35. Matua: Ua la iloa o ia ina ua tofitofi e ia le areto.

Tofitofiga ole Upu:

O le tala i le au so'o o lo'o faimalaga atu i le ala i Emau o se tala uiga 'ese lona matagofie o le fa'asolo atoa o le sau o le fa'atuatua e ala mai iā Iesu o le Ali'i Toetu. O so'o e to'alua e le'i malamalama i le fete'ega'iga o a la fa'amoemoega ma le moni o le fa'akoluseina: e pei o le tele o tagata o le vaega o le manumalō ma taunu'uga lelei e lē o fa'atasi ma le maliu ma le to'ilalo. O le mea ua latou mana'omiaina – ma ua avatu i ai – o se malamalama'aga e fa'avae i le Tusi Pa'ia ua fa'aalia maia o mea na tutupu 'i nai nei aso mulimuli' ua talafegagai atoatoa ma le auala na filifilia e le Atua e gaiōi ai. O le lauga tele a Peteru mai le tatou faitauga muamua, ma le anoanoa'i o lauga mai le Tusi a Luka o le Galuega ale Au Aposetolo ua fa'aalia sa'o mai pe na fa'apefa i le Tusitusiga Pa'ia ma le tala fa'asolopito a Isaraelu ona fa'amatala mea na tutupu i Puapuaga a Keriso, lona maliu ma le lona Toetu. Ua tata'i e Luka mai lenei galuega o le fa'amatalaina e ala mai le Upu aga'i atu i se fa'amausalī fa'ate'ia o mea uma sa fa'amatalaina. O so'o e to'alua na talosaga atu iā Iesu e nonofo ma i la'ua: "ua taugagaifo le la, ua lata i le afiafi" ua la faia upu na faia muamua i le Evagelia, i le fafagaina o le lima afe o tagata (9: 12). Ona tago lea o Iesu i le falaoa, fa'apa'ia, ma tu'uina atu iā i latou – o upu manatuaina ai le fafagaina ai o le lima afe, ae fa'apea fo'i le Tausama'aga Mulimuli; ma i lenā lava taimi ua latou maitauina o ai Iesu ma ua mou 'ese atu o ia mai le laulau – ae o lona afio ai pea, i le upu sa ia fa'asoaina, ma le falaoa na ia fa'amanuaina, ua i totonu o i latou – a o latou uma na potopoto i le laulau o le Upu ma le laulau o le aletale.

Aso 30 Aperila Aso Sa Fa Paseka. Faitauga muamua – Galuega 2: 14, 36 – 41. Matua: O Iesu lava lenā ua fa'asatauroina e outou, ua faia lea e le Atua ma Ali'i ma Keriso.

Salamo 23: 1 – 3 (tali), 4 (tali), 5 (tali), 6 (tali). Tali: O le Ali'i, o lo'u leoleo mamoe o ia; e leai se mea ou te mativa ai.

Faitauga lona lua – 1 Peteru 2: 20 – 25. Matua: O outou sa fa'apei o mamoe na sē, a o lenei ua toe liliu mai outou i lē na te leoleoina ma tausia o outou agaga.

Aleluia, Aleluia... O a'u nei o le leoleo mamoe lelei; ua ou iloa a'u mamoe, ua iloa fo'i a'u e a'u mamoe – Aleluia.

Evagelia – Ioane 10: 1 – 10. Matua: O a'u nei o le faitoto'a o mamoe.

Tofitofiga o le Upu:

I le aso Sa fa o le Eseta i tausaga ta'itasi o le tolu ta'amilosaga ua tatou maua se vaega o a'oa'oga a Iesu le "Leoleo Mamoe Lelei" – o se fa'ata'oto e umi toe atamai e pei ona ta'ua e Ioane (v.6). E lelei le maitauina o gaiōiga o le asō ua fa'alua ona tatou faia le 'Amene' fa'aluaia. Ua fa'asino lea i le tulaga o a'oa'oga aloa'ia nei a Iesu ma e tatau ona tatou maitauina, o se a'oa'oga o lo'o fai aga'i atu i Farasaio ('O latou' v.6) O le mea na tupu na ta'ita'ia sa'o atu ai lenei a'oa'oga o le fa'amaloloina o le ali'i na fanau mai e tauaso – se tasi o feiloa'iga autū o le fa'atuatua a Ioane. O le ali'i na fanau mai e tauaso sa te'ea e le au Farasaio ma na toe 'pupula' i le fa'aletino ma le fa'aaleaga, i le maitauina o Iesu o le Ali'i (9: 38). O le fuaiupu mulimuli i luma mai i le a'oa'oga a Iesu i le leoleo mamoe ma mamoe o lona tu'ua'iga o latou: Tauaso? Afai e moni e te lē nofosala, ae



Faitauga mo Aperila

ona ua e fai mai, “matou va’ai” o lou nofosala e tumau. O le mafua’aga lea o le faitauga ua tatou faitaua i lenei aso e taufa’aooso – ua fa’atusa e Iesu o ia ma i latou na muamua mai – o ia o le leoleo mamoe, o latou sa fa’apea mai o ni leoleo mamoe o ‘tagata gaioi ma le au fao mea’ (cf. Lauga a Esekielu i le leoleo mamoe a Isaraelu: Esekielu 34: 1 – 10; 37: 24 – 28). O le fa’atusa o le leoleo mamoe ua iloaina e le leoleo faitoto’a, ua ia iloaina mamoe, ua ia vala’auina i latou i o latou igoa, o lona leo ua latou maitauina ma mulimuli atu i ai, e lelei ma le fa’amafanafanaga. Ae o tua mai o lo’o ta’oto ai se fa’alavelave matuiā e mafai ona misi. Mulimuli mai le ‘Amene’ lona lua, amene o le mata’itu ua suia ia Iesu o le faitoto’a aga’i atu i le lafu – ona e auala atu iā te ia le saogalemū, ma le sa’olotoga ma le vaomu’a – o mea uma so’o se isi e talitounina ua mana’omia. O le ‘ese’esega malosi i le va o latou na o mai e ‘gaioi ma fasia ma fa’aumatia’ ma Iesu ua atoatoa: ‘Ua ou sau ina ia latou maua le ola, ia maua atili ai lava’. O le ‘fa’ata’oto’ ua alu i le isi vaega: O Iesu o le punavai, e pei o le ali’i na fanau mai e tauaso ma latou uma ua fa’ailoaina Iesu o le Ali’i ua mauaina – a’afia ai tatou ua potopoto mai e fa’alogologo i lenei Evagelia o le asō.

Faitauga mo le aso Sa muamua Me – 2023

Faitauga muamua – Galuega 6: 1 0 7: Matua: Inā filifili ia ni o outou se to’afitu e tutumu i le Agaga Pa’ia ma le potu.

Salamo 33: 1 – 2 (tali), 4 – 5 (tali), 18 – 19 (tali). Tali: Le Ali’i e, ia luga iā te i matou lou alofa, e pei ona matou fa’amoemoe iā te oe.

Faitauga lona lua – 1 Peteru 2: 4 – 9. Matua: O outou o le tupulaga ua filifilia outou, o tupu ma ositaulaga.

Aleluia, Aleuia... O a’u nei le ala, ma le upu moni, ma le ola; e lē alu atu lava se tasi i le Tamā, pe a lē ui mai iā te a’u... Aleluia.

Evagelia – Ioane 14: 1 – 12. Matua: O a’u nei le ala, ma le upu moni, ma le ola.

Aso Sa muamua			
2 Aperila 2023	09.00am	Seatoun	Leai se Misasa
Aso Sa O le Palema	11.00am	Titahi Bay	Leai se Misasa
	11.00am	Porirua	Leai se Misasa
Aso Sa Lua 9 Aperila 2023			
Aso Sa o le Eseta	12.00	Te Awakairangi – Taita (Lower Hutt & Naenae)	Leai se Misasa
Aso Sa Tolu			
16 Aperila 2023	11.00am.	Newtown	Patele Maleko
	11.00am	Holy Family	Patele Andrew
Aso Sa Fa			
23 Aperila 2023	11.30am	Te Wairua Tapu – Wainui (Wainuiomata & Petone)	Patele Maleko
	11.30am	Stokes Valley	Patele Andrew/Peter

Mikaele Teofilo:

✉ m.teofilo@wn.catholic.org.nz

☎ 021 0818 5037

✉ PO Box 1937, Wellington 6140, New Zealand